

Mescos cu Shon A Eman y Juancho Irausquin

BETICO CROES: OTRO LIDER CU TA FAYECE DEN EXTERIOR



Henny Eman Sr.



Betico Croes

ORANJESTAD(AAN)—
Henny Eman Sr., Shon A

Eman, Juancho Irausquin y Betico Croes. Cuatro nomber cu a impone den historia politico di Aruba. Di nan, e unico cu a fayece na Aruba, tabata Henny Eman Sr. E otronan a fayece den exterior.

Na un edad relativamente joven, tanto Shon A Eman, Juancho Irausquin y Betico Croes a fayece den exterior.

Dia 20 di Juli 1962, Juancho Irausquin a fayece na Curacao. E tabata Ministro di Finanzas ora morto a corta e carera di un politico di renombre. Naci dia 3 di December 1904, Juancho Irausquin tabata tin 59 aña di edad, ora el a fayece.

Shon A Eman a fayece dia 13 di Juli 1967 na Curacao. Naci dia 17 di Mei 1916, e tabata tin 51 aña di edad, ora morto a sorprende.

Shon A Eman tabata miembro di Staten y Eilandsraad di Aruba y tambe a representa Aruba na e conferencianan di Mesa Redonda.

Na dos ocasion anteriormente Aruba mester a ricibi restonan mortal di



Juancho Irausquin

lidernan politico na aeropuerto. Ayera tabata e restonan mortal di Betico Croes, cu a yega Aruba. E tambe a worde ranca for di bida na un edad hopi joven, ora hopi a kere cu e tin hopi aña su dilanti pa sigui traha pa su pais.

Pero tres di e cuatro politiconan mas prominente di Aruba, a muri na edad relativamente joven leo for di cas.

THE JEWISH COMMUNITY OF ARUBA

Palabranan di condolencia ta bay na esposa, yiunan famianan y e pueblo di Aruba en general pa e perdida di un yiu di tera, luchador incansable, estadista **BETICO CROES**

UNION PORTUARIO ARUBANO (U.P.A.)

Ta manda su profundo condolencia na famia di

SR. BETICO CROES

y tambe na Pueblo Arubano cu e gran perdida di e Lider maximo cu Aruba a yega di conoce.

Cu Betico sosega na paz

ARUBA BOXING ASSOCIATION

Palabranan di condolencia ta bay na esposa, yiunan famianan y e pueblo di Aruba en general pa e perdida di un yiu di tera, luchador incansable, estadista **BETICO CROES**

Estatua pa Betico mester bira realidad

ORANJESTAD(AAN)—Actualmente tur atencion ta dirigi ariba e entiero, pero a termino corto lo cuminsa cu e proyecto pa construi un estatua pa Betico Croes.


Aparentemente dirigenan di MEP a ricibi un cantidad di sugerencia con por yega na un estatua, cu mester worde construi pa Pueblo di Aruba pa honra memoria di Betico Croes.

Tele Aruba ta transmiti entiero Betico

ORANJESTAD(AAN)—Tele Aruba lo transmiti e entiero di Betico Croes directamente.

Lo tin transmision for di Plaza di Libertad y tambe for di Misa pa asina esnan cu no por acudi personalmente por sigui e ceremonianan di acerca.

CU BETICO SOSEGA NA PAZ



STAF Y PERSONAL
EL BAUENO
BAR Y RESTAURANT